



ATASSUT

UKA 2016/52-1

Siverth K. Heilmann

03. 10. 2016

Aatsitassarsiorfinni radiup qinngorneranik 60 ppm-inik akoqarnerusunik qalluiffiusuni aalajan-gersumik illoqarfinnut, nunaqarfinnut imeqarfinnullu tasernut 50 kilometerinik isumannaallisaa-nikkut killeqarfiliisoqarnissaa Naalakkersuisut ataatsimut aalajangersagaliornissamik peqqune-qarnissaaannik Inatsisartuni aalajangiiffigisassatut siunnersuut. Siunnersuummut atatillugu inatsililiornikkut suliassat pisariaqartut kingusinnerpaamik UKA 2017-imi saqqummiunneqassap-put.

(Inatsisartunut ilaasortaq Aqqaluaq B. Egede, Inuit Ataqatigiit)

Inatsisartuni ilaasortap Aqqaluaq B. Egede-p Inuit Ataqatigiit inatsisartunut aalajangiiffigisassatut siunnersuutaanut imatut naatsumik ATASSUT-miit oqaaseqassaagut.

Siunnersuuteqartup aallarniuteqarnermini tunngavilersuuteqarnermini nammineq ilumoorluinnar-toq tikippaa, tassalu ukiuni kingullerni naalakkersuinikkut isumaqatigiissutaasoq oqaatigineqartu-artorlu tamatsinnit tassaasoq inuit peqqissusaaat, avatangiisinut uumassusilinnullu tamanut innar-liissangippat aatsitassarsiorfiit qinngornernik sakkortuunik peqarfiusut ingerlanneqarsinnaasut.

Tamanna piumasqaateqarneq aamma ATASSUT-ip tamatigut pingaartillugu oqaatigiuartarpaa soorunalumi isumarput allangortinngilarput. ATASSUT-immi pingaartitarimmagu, sumiluunniit Nunatta iluani suliffinnik aallartinniartoqalertillugu, qulakkeeqqaagassaq siulleq tassaavoq inuit peqqissusaaat, avatangiisit uumasunullu tamanut akuersisoqartinnagu innarliisoqannginnissaaanik qularnaarinissaq. Naatsumik oqaatigalugu, piumasqaataavoq, aallartisarneq sioqqullugu uninne-rullu kingorna avatangiisit misisissorneqartarnissaannik il.il.

ATASSUT-miit isumaqarpugut, isumannaatsuunissamik inatsiseqartugut ajunngilluinnartumik, taa-maattumillu siunnersuut ilalinngilarput.